

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj 39/14), (u daljem tekstu: Zakon), a u skladu sa modelom Pravilnika o postupku direktnog sporazuma Agencije za javne nabavke Bosne i Hercegovine (Službeni glasnik BiH br. 90/14), člana 27. stav I. alineja 6. Zakona o ustanovama (Službeni list RBiH broj 6/92, 8/93, 13/94), te člana 38. stav a) Pravila JU Pozorište mladih Sarajevo broj: 377-01/08 od 30.12.2008. godine, Upravni odbor JU Pozorište mladih Sarajevo, na sjednici održanoj 01.09.2015. godine donosi:

PRAVILNIK O POSTUPKU DIREKTOG SPORAZUMA

Član 1. (Predmet Pravilnika)

- (1) Ovim Pravilnikom definira se postupak javne nabavke roba, usluga i radova putem direktnog sporazuma iz člana 90. Zakona o javnim nabavkama (u daljem tekstu: Zakon).

Član 2. (Uslovi za primjenu direktnog sporazuma)

- (1) Postupak direktnog sporazuma se može provesti kada je procijenjena vrijednost istovrsnih roba, usluga ili radova na godišnjem nivou jednaka ili manja od 6.000, 00 KM.
- (2) JU Pozorište mladih Sarajevo može tokom jedne godine za isti predmet nabavke potrošiti do 6.000, 00 KM putem ovog postupka.
- (3) JU Pozorište mladih Sarajevo može započeti postupak direktnog sporazuma ako je takva nabavka predviđena planom nabavki ili kada ugovorni organ donese posebnu odluku o pokretanju direktnog sporazuma u skladu sa članom 17. stav (1) Zakona.

Član 3.
(Principi dodjele direktnog sporazuma)

Postupak direktnog sporazuma se provodi na način da se osigura poštivanje iz člana 3. Zakona, tako da je Pozorište dužno da postupuje transparentno, da se u postupku javne nabavke prema kandidatima/ponuđačima ponaša jednako i nediskriminirajuće, na način da osigura pravičnu i aktivnu konkurenciju, s ciljem najefikasnijeg korištenja javnih sredstava u vezi sa predmetom nabavke i njegovom svrhom.

Član 4.
(Početak postupka)

- (1) Procjenjivanje vrijednosti javne nabavke koje se dodjeljuje direktnim sporazumom vrši se u skladu sa članom 15. Zakona.
- (2) Procijenjena vrijednost mora biti važeća u trenutku kada ugovorni organ zatraži prijedlog cijene ili ponudu od jednog ili više privrednih subjekata.
- (3) Postupak direktnog sporazuma započinje donošenjem odluke ili rješenja koje sadrži sve elemente iz člana 18. stav (1) Zakona.

Član 5.
(Izvršenje postupka)

- (1) JU Pozorište mladih Sarajevo ispituje tržište te traži prijedlog cijene ili ponudu od jednog ili više privrednih subjekata koji obavljaju djelatnost koja je predmet javne nabavke.
- (2) Nakon što primi prijedlog cijene ili ponudu od jednog ili više ponuđača, a prije zaključivanja direktnog sporazuma, ugovorni organ:
 - a) pregovara sa ponuđačem/ponuđačima o cijeni i/ili
 - b) prihvata prijedlog cijene ili ponudu jednog ponuđača i/ili
 - c) provodi drugu vrstu postupka definisanu Zakonom.

Član 6.
(Izbor ponuđača)

- (1) Kod izbora ponude na osnovu koje će biti dodijeljen ugovor, JU Pozorište mladih Sarajevo treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke i sl.
- (2) JU Pozorište mladih Sarajevo bira ponuđača na način koji garantira najbolju razmjenu vrijednosti za novac. Kada vodi pregovore koji se odnose na prijedlog cijene ili ponudu, ugovorni organ djeluje u skladu sa dobrom komercijalnom praksom.
- (3) Kada traži prijedlog cijene ili ponudu, JU Pozorište mladih Sarajevo daje ponuđačima određeni rok da pripreme prijedlog cijene ili ponudu, uzimajući u obzir kompleksnost nabavke.

Član 7.
(Zaključivanje direktnog sporazuma)

Direktni sporazum smatra se zaključenim:

- a) Kod nabavki čija vrijednost iznosi do 1.000,00 KM, prilaganjem računa ili druge odgovarajuće dokumentacije;
- b) Kod nabavki čija je vrijednost viša od 1.000, 00 KM, ugovorni organ je dužan zaključiti ugovor.

Član 8.
(Prijelazne i završne odredbe)


Izmjenen i dopune ovog Pravilnika vrše se na način i po postupku njegovog donošenja.

Član 9.
(Stupanje na snagu)

Ovaj Pravilnik stupa na snagu dobijanjem saglasnosti od strane
Ministarstva kulture i sporta Kantona Sarajevo.

Sarajevo, 01.09.2015. godine
Broj: 133-01-2/15

Predsjednik Upravnog odbora
JU Pozorište mladih Sarajevo


Melisa Forić

